

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtrum sacramentum sit signum quod est res sensibilis? 4

urn:nbn:de:hbz:466:1-38725

Q U E S I . L A . A R T . I V . 12
ma : nec oportet quod solum significet perfectio-
nem , quae est finis .

A R T I C . I V .

*Virum sacramentum sit semper aliqua res
sensibilis ?*

AD quartum sic proceditur. Videtur, quod sacra- 329
mentum non semper sit aliqua res sensibilis. Quia 4 d. 1. q. 1.
secundum Philosophum in lib. Priorum, Omnis effe- a. 1. q. 1.
ctus, suæ cause signum est. Sed sicut sunt quidam ef- et a. 2. q.
fectus sensibiles , ita etiam sunt quidam effectus in- 1. et a. 3.
telligibiles , sicut scientia est effectus demonstratio- co. & 4.
nis. Ergo non omne signum est sensibile . Sufficit au- con. c. 56.
tem ad rationem sacramenti , quod sit signum alicuius rei sacræ , in quantum per eam homo sanctifica- & 10. 3.
tur : ut dictum est † . Non ergo requiritur ad sacra- cor. 4.
mentum , quod sit aliqua res sensibilis . ar. 2. huc-
ius 7.

¶ 2 Præterea , Sacraenta pertinent ad cultum vel regnum Dei. Sed res sensibiles non videntur pertinere ad cultum Dei: dicitur enim Ioan. 4. Spiritus est Deus , & eos qui adorant eum , in Spiritu & veritate oportet adorare. Et Rom. 14. Non est regnum Dei, esca & potus . Ergo res sensibiles non requiruntur ad sacramentum .

¶ 3 Præterea , Aug.* dicit in lib. de Libero arbitrio , q̄ res sensibiles sunt minima bona , sine quibus homo recte vivere potest. Sed sacramenta sunt de necessitate salutis humanæ (vt infra patebit *) & ita sine eis homo recte vivere non potest . Non ergo res sensibiles requiruntur ad sacramenta .

S E D contra est , quod Aug.* dicit super Ioann. Accedit verbum ad elementum , & sit sacramentum. Et loquitur ibi de elemento sensibili ; quod est aqua. Ergo res sensibiles requiruntur ad sacramenta .

R E S P O N D E O dicendum , quod sapientia di- uina vnicuique rei prouidet secundum suum modum : & propter hoc dicitur Sapient. 8. quod suauiter dispo nit omnia . Vnde & Matth. 25. dicitur , quod dedit vnicuique secundum propriam virtutem . Est autem ho-

B 2 mini

mini connaturale , ut per sensibilia perueniat in cognitionem intelligibilium . Signum autem est , per quod aliquis deuenit in cognitionem alterius . Vnde cum res factae , quae per sacramenta significantur , sine quedam spiritualia & intelligibilia bona , quibus homo sanctificatur : consequens est , ut per alias res sensibles significatio sacramenti impleatur : sicut etiam per similitudinem sensibilium rerum in diuina Scriptura res spirituales nobis describuntur . Et inde est , quod ad sacramenta requiruntur res sensibles : ut

s.v. inter etiam Dionys. * probat in 1. cap. colest. hierar. me. & si.

Ad primum ergo dicendum , quod unumquodque praecipue denominatur & diffinitur secundum id quod conuenit ei primo & per se , non autem secundum id quod conuenit ei per aliud . Effectus autem sensibilis , per se habet , quod ducat in cognitionem alterius , quasi primo & per se homini innotescens : quia omnis nostra cognitio a sensu oritur . Effectus autem intelligibiles non habent , quod possint ducere in cognitionem alterius , nisi in quantum sunt per aliud manifestati , idest , per aliqua sensibilia . Et inde est , quod primo & principaliter dicuntur signa , quae sensibus offeruntur : sicut August. * dicit in 2. de Doctrina Christiana : ubi dicit , quod Signum est , quod praeter speciem quam ingerit sensibus , facit aliquid aliud in cognitionem venire . Effectus autem intelligibiles non habent rationem signij , nisi secundum quod sunt manifestati per aliqua signa . Et per hunc etiam modum , quedam quae non sunt sensibilia , dicuntur quodammodo sacramenta , in quantum sunt significata per aliqua sensibilia , de quibus infra agetur * .

ad 2. Ad secundum dicendum , quod res sensibles , ut in sua natura considerantur , non pertinent ad cultum vel ad regnum Dei : sed solum secundum quod sunt signa spiritualium rerum , in quibus regnum Dei constituit.

loc cit. in Ad tertium dicendum , quod August. ibi * loquitur de rebus sensibilibus , secundum quod sunt in sua

natura :

natura: non autem secundum quod assumuntur ad significandum spiritualia, quæ sunt maxima bona.

ARTIC. V.

Vtrum requirantur determinatares ad sacramenta?

AD quintum sic proceditur. Videtur, quod non requirantur determinatares ad sacramenta. Res enim sensibiles assumuntur in sacramentis ad significandum, ut dictum est. Sed nihil prohibet diuersis rebus sensibilibus idem significari: sicut in sacra Scriptura Deus aliquando metaphorice significatur per lapidem, quandoque per leonem, quandoque per sollem, aut aliquid aliud huiusmodi. Ergo videtur, quod diuersæ res possint congruere eidē sacramento. Non ergo determinatares in Sacramentis requirantur.

¶ 2 Præterea, Magis est necessaria salus animæ, quam salus corporis. Sed in medicinis corporalibus, quæ ad salutem corporis ordinantur, potest una res pro alia ponи in eius defectu. Ergo multo magis in sacramentis, quæ sunt medicinae spirituales ad salutem animæ ordinatae, poterit una res assumi pro alia, quando illa defuerit.

¶ 3 Præterea, Non est conueniens ut hominis salus arctetur per legem diuinam, & præcipue per legem Christi, qui venit omnes saluare. Sed in statu legis naturæ nō requirebatur in sacramentis aliqua res determinata, sed ex voto assumebantur: ut patet Genes. 28.vbi Iacob voulit se Deo decimas & hostias pacificas oblatum. Ergo videtur, quod non debuerit arctari homo, & præcipue in noua lege, ad alicius rei determinata vsum in sacramentis.

S E D contra est, quod Dominus dicit Ioann. 3. Nisi quis renatus fuerit ex aqua & Spiritu sancto, non potest introire in regnum Dei.

R E S P O N D E O dicendum, quod in usu sacramentorum duo possunt considerari, scilicet cultus diuinus, & sanctificatio hominis. Quorum primum pertinet ad hominem per comparationem ad

B 3 Deum,